

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 40/23
Sarajevo, 17.08.2023. godine

Povodom natpisa pojedinih medija o okolnostima trostrukog ubistva u Gradačcu koje je dana 11.8.2023. godine počinio Nermin Sulejmanović te navodnih propusta sutkinje Lejle Numanović koji se dovode u vezu s tim ubistvom, Udruženje sudija/sudaca Federacije BiH ovim putem izdaje slijedeće

Saopštenje za javnost

Udruženje sudija/sudaca Federacije BiH ovim putem apeluje na medije da se suzdrže od iznošenja površnih, neprovjerenih i neistinitih činjenica o sudiji Općinskog suda u Gradačcu Lejli Numanović povodom rješenja kojim je odbacila zahtjev MUP TK za izricanje predložene zaštitne mjere zabrane uznemiravanja i uhođenja osobe izložene nasilju i zaštitne mjere zabrane približavanja žrtvi nasilja.

Mediji imaju pravo i obavezu u demokratskom društvu da izvještavaju o pitanjima od javnog interesa, a nasilje u porodici je sigurno takvo pitanje. Međutim, Udruženje sudija/sudaca Federacije BiH ovim putem poziva medije da se uzdrže od iznošenja neutvrđenih činjenica o ulozi sudije Numanović u trostrukom ubistvu u Gradačcu na huškački i senzacionalistički način. Takvim objavama se neće spriječiti novi slučajevi nasilja bilo koje vrste, a osobe koje su zadužene za procesuiranje slučajeva nasilja u porodici se bespotrebno izlažu svojevrsnom medijskom linču. Takve objave mogu dovesti u konačnici i do neželjenog i nasilnog ponašanja prema tim osobama i njihovoj profesionalnoj i ličnoj degradaciji prije nego se utvrde sve relevantne činjenice o njihovim eventualnim propustima u procesuiranju ovog, ali i drugih sličnih slučajeva.

Obzirom da je Ured disciplinskog tužitelja VSTV-a pokrenuo po službenoj dužnosti disciplinski predmet protiv sutkinje Numanović i da se radi o slučaju koji je pokrenuo ogromnu pažnju javnosti, medije upućujemo da, prilikom izvještavanja o postupanju sudije Numanović koriste činjenice koje se utvrde u tom postupku i činjenice koje su navedene u rješenju Općinskog suda u Gradačcu broj: 28 0 Pr 081870 23 Zm od 07.8.2023. godine.

Upravni odbor
Udruženja sudija/sudaca u Federaciji BiH

